

TROLLET I SENJA

Det bur eit troll i Senja,
så reint utruli stort!
Det fiskar kval på Malangsgrunn
som andre fiskar mort.

Det bur eit troll i Senja,
og trollet sine skor
er større enn dei største skip
som gjestar Gryllefjord.

Det bur eit troll i Senja,
og nasen er så svær
at mange trur han er eit fjell
litt nord for Medfjordvær.

Det bur eit troll i Senja,
det tykkjer folk er gildt.
For trollet uti Senja
er alltid berre snilt!